

EDITORIAL

Palawaen ti tignay protesta tapno gibusan ti rehimen US-Marcos!

Agtultuloy a gungungonen ti krisis iti pulitika ti reaksyunaryo nga estado a patpatarayan dagiti burukrata-kapitalista. Saan a masebseban ti panaggayebgeb ti pungtot ti masa iti maibunbunannag nga umad-adu a kaso ti korapsyon. Saan nga agsarday ti tignay a *walkout* dagiti estudyante, nu di ket agramramaram pay kadagiti unibersidad iti Manila ken dadduma pay a paset ti pagilyan. Sumaksaknap ti tignay dagiti grupo a sibiko, tao't simbaan, mangmangged, nakurapay ken dadduma pay a sektor.

Nalalawa nga alyansa ti umili ti maipatpatakder a desidido a gun-oden ti hustisya para iti umili a biktima ti kriminal a korapsyon. Bimangngonen ti maysa a nalapad ken nabileg a tignay ti umili a mangdayyeg iti rehimen US-Marcos ken manggibus iti panagari dagiti burukrata-kapitalista a bunggoy nga adda iti poder.

Agindadalus ken agar-arte ni Marcos a makigkigtot wenno agung-unget kadagiti agtatakaw. Para iti umili ket awan ti mamaay ti sikreto nga imbestigasyon ti binukel na nga "independent commission" a nalawag nga awan sabali a panggep na nu saan a kaluban ti kinapudno ti binilyon a piso a porsyento iti naanomalya a kontrata ti umululi iti Malacañang, ken mismo a ni Marcos ti ari ken adda iti tuktok ti bantay ti basura ti korapsyon. Tallo a bulan kalpasan nga ideklara na a "mahiya naman kayo," nalawag iti mata iti umili a ni Marcos mismo ti numero uno nga awan-bain ken kakarwan a garapal iti panagibulsa ti binilyon a

piso a pondo ti umili.

Pilit met a saksakyan ti bunggoy a Duterte ti nalawa a protesta ti umili, ngem nakabassit laeng ti maal-allilaw da. Saan da a makalubnan ti bukod a krimen ken panagtakaw, nangruna idi nakatugaw ti dati a presidente Rodrigo Duterte. Balbaliw a mauk-ukag ti binilyon nga imbalsa dagiti Duterte iti kontrata iti Pharmally idi panawen ti pandemya, ₱51 bilyon a *flood control project* ni Paolo Duterte ken ₱125 milyon a *confidential and intelli-*

gence fund ni Sara Duterte. Binilyon a piso a kontrata met ti napan iti alalay idi ni Duterte a ni Bong Go ken dadduma pay nga alyado da.

Iti sango ti sumaksaknap a damdamag tapno sukatan ti agar-ari a rehimen, inpatmat ti imperyalismo a US a natibker a supsuportaran daytoy ti aso-aso na a ni Marcos. Itay nabiiit, personal a binisita ti maysa nga upisyal ti embahada ti US ti panagdengngeg iti ICI kas pammaneknek iti suporta daytoy.

Agngarngaryet ti umili nga iti laksid ti nakaro a pungtot iti korapsyon, sangon-sango nga inulit ni Marcos ken dagiti kakunsabos na iti konggreso ti panagisingit ti nadumaduma a pork barrel iti badyet iti 2026. Pilit nga inserrek ni Marcos ti ₱281 bilyon a pork barrel iti langa ti *unprogrammed appropriations, confidential and intelligence funds* ken dadduma pay. Adda ti ₱414 bilyon met ti *pork barrel* a pagbibingyan dagiti kunniber a konggresista ken senador.

Agtultuloy a maibutbutaktak nu kasano nga ti amin a programa ti gubyrno ket natatek ti korapsyon. Malaksid kadagiti proyekto a *flood control*, binilyon a piso met ti matakakaw kadagiti *farm-to-market road, multipurpose building, health center*, rangtay, kasta met iti pangpubliko a pondo para iti ayuda, sweldo, pensyon ken seguro.

Ammo la unay ti umili nu anya ken sadinno dagitoy a proyekto a ki-



nurakot dagiti korap nga upisyal ti gubyerno ken militarb ken dagiti kasabwat da a dadakkel a negosyante. Iti panagtitinnulong ti nadumaduma a sektor, dagitoy ket rumbeng a sukainan, idokumento, ibunannag ken itungpa kadagiti kriminal a burukrata-kapitalista.

Saan a rumbeng a sardengan dagiti Pilipino ti panagsingir ken panagpasungbat kadagiti burukrata kadagiti tignay ken protesta da. Kabinnadang dagiti kabataan, kasapulan nga ad-adda pay a papigsaen ti masa a nakurapay nga anakling-et ken dagiti mangmangged ti boses da laban iti korapsyon, burukrata kapitalismo ken pasismo, ken tapno paa-wengen ti pukkaw para iti panaggi-bus ti parigat a rehimen US-Maros ken panagari-ari ti bunggoy a Duterte.

Kasaknapan pay dagitoy kadagiti nakurapay a komunidad ken pabrika, nu sadinno a kaadwan ken kakarwan nga aglukluksaw ti masa nga anakling-et a biktima ti korapsyon ken panagkukunsabos dagiti burukrata-kapitalista ken dadakkel a negosyante. Malaksid iti pakaseknan ti panaglayus kadagiti komunidad a bunga ti korapsyon ken palpak a gubyerno, rumbeng a palataken ti pakaseknan ti nababa a sweldo, na-

saknap a disempleyo ti kabataan, nangato a presyo dagiti gagatangen, nangato a gastos iti edukasyon, awan-sarday a panagngato ti gasolina, bulok a serbisyo a panggimong ken dadduma pay a bunga ti sabwatan dagiti korap a burukrata-kapitalista ken sarabusab iti ganansya a dadakkel a burgesya.

Palawaen pay ti tignay protesta laban iti korapsyon iti kaadwan a prubinsya, kadagiti ili ken syudad. Minilyon ti biktima ti palpak ken saan a maaramat nga imprastruktura a nagbusbosan ti kwarta ti umili. Tipunen ti ruod da kadagiti trahedya a mapadpadasan da tunggal adda ti didigra ti bagyo, gingined wenno simple a panagtudo. Pagsungbaten dagiti burukrata-kapitalista iti krimen da nga ituntunda ti pannakalned iti layus dagiti sibubukel a komunidad ken dagiti kataltalonan, pannakaduprak dagiti rangtay, pannakadadael dagiti kalsada, pannakarebba dagiti pasdek ken pagtaengan ken dadduma pay. Nairut ti silpo iti burukrata kapitalismo ti pannakalugi dagiti mannalon, nababa a sweldo dagiti mangmangged, panagtennag ti sapul dagiti drayber, panagsuwek ti pagbiagan dagiti nakurapay, pannakapukaw ti pagtaengan, pannakalmes iti utang, dislo-

kasyon ken panagpatalaw manipud iti daga ken adu pay a rupa ti kinakurapay.

Rumbeng nga itipon dagiti estudyante a kabataan ken dadduma pay a sektor a tumaktakder laban iti korapsyon ti intar da iti pigsa ti masa nga anakling-et iti kasyudadan ken kaaw-awayan. Nu adda man palalo a kabutbuteng ni Marcos a mangdayyeg ti panagari na, dayta ket ti aggigiddan a *walkout* kadagiti eskwelaan, panag-aklas dagiti mangmangged, martsa dagiti mannalon, welga dagiti empleyado ti gubyerno, manursuro ken akademiko, tigil-pasada iti pangpubliko a transportasyon ken dadduma pay nga sangsangkamaysa a tignay ti umili.

Natibker nga umab-abante ti agdaldalluyon a tignay protesta ti umili laban iti korapsyon ken burukrata kapitalismo gapu iti panangiyuna dagiti nailyan-demokratiko nga organisasyon ken alyansa. Isuda ti kaanepan iti panangdanon ken panangriing iti masa. Isuda ti kapipingetan a buklen ti kalapadan a panagkaykaysa ti umili laban iti rehimen US-Marcos.

Bayat a nga agdaldaluyon ti tignay protesta, kasapulan nga igiddan dagiti nailyan-demokratiko a pwersa ti naregta a tignay panagadal iti gimong ken rebolusyon a Pilipino iti intar ti masa. Nasken nga saan a mauma nga ipalawag a ti korapsyon ken kunniber ket natural iti malakolonyal ken malapyudal a sistema, a magibusan laeng iti panangibagsak iti imperyalismo, pyudalismo ken burukrata kapitalismo.

Ti tarigagay ti umili a panagbaliw ti sistema ket magun-od laeng iti panagabante ti demokratiko a rebolusyon ti umili babaen ti armado a dangadang. Isu a rumbeng nga ibangon ti kaadwan a balangay dagiti organisasyon ti National Democratic Front iti intar da ken sipipinget a suportaran ken papigsaen ti New People's Army. Kasapulan a paunegen ken palawaen ti panagramut ti Partido iti intar ti masa tapno agserbi a bugas ken tarabay iti naunday a dangadang da.

 Tawen LVI No. 20 Oktubre 21, 2025	
Ti Ang Bayan ket maipabpablaak iti lenggwahe a Pilipino, Bisaya, Iloko, Hiligaynon, Waray ken Ingles. Agawawat ti Ang Bayan kadagiti kontribusyon nga artikulo ken damdamag. Maallukoy met dagiti agbasbasa nga agidanun kadagiti dillaw ken rekomendasyon para iti panagdur-as ti pagiwarnak tayo.	
Linaon Editorial: Palawaen ti tignay protesta tapno gibusan ti rehimen US-Marcos1 Pukkaw ti kabataan: Marcos-Duterte, ikkaten!3 Dagiti tignay kontra korapsyon, lumawlaw a Kabataan para iti nailyan a demokrasya4 ISM, linipit ti rehimen Marcos5 Korapsyon ti burukrata-kapitalista a militar14th IB, inambus ti NPA-Leyte7 Lider-rebolusyonaryo idia Panay, napadayawan7 Panawagan dagiti mannalon Dagiti propesyunal para iti gubat ti umili8 Iti ababa a sarita9 6 dekada a balligi ti mannalon idia EV10 Ceasefire idia Gaza, saan nga umanay11 Interim release para ken Duterte, naibasura11 Dagiti protesta11 Iskema a destabilisasyon ti US idia Venezuela12	
Ti Ang Bayan ket ipabpablaak ti Komite Sentral ti Partido Komunista ng Pilipinas dua a daras iti tunggal bulan	
 ang.bayan@cpp.ph	

Pukkaw ti kabataan: Marcos-Duterte, ikkaten!

Nasurok 5,000 kabataan ken estudyante ti nagmartsa agturong ti Mendiola idia Manila idi Oktubre 17 kas paset ti National Youth Day of Action Against Corruption. Iti panangiyuna dagiti nailyan-demokratiko nga organisasyon, dagiti konseho dagiti estudyante ken alyansa, pukkaw ti kabataan: "Marcos-Duterte, Ikkaten! Bulok a sistema, baliwan!"

Nag-walkout dagiti estudyante ken nagiruswat kadagiti lokal a programa kadagiti unibersidad da sakbay nga agturong idia Mendiola. Nakipaset iti tignay dagiti grupo ken estudyante manipud iti 28 a pangpubliko ken pribado nga unibersidad iti Metro Manila.

Inkasa met dagiti estudyante ti walkout ken dagiti piket protesta idia Baguio City, Nueva Ecija, Rizal, Cavite, Batangas, Laguna, Quezon, Cebu City, Iloilo City ken Davao City. Tampok ditoy ti nasurok 700 nga estudyante, manursuro ken empleyado a nag-walkout iti Central Luzon State University iti didia ng aldaw.

Mano nga aldaw sakbay daytoy, nakasina a walkout ti insayangkat

dagiti estudyante ti Polytechnic University of the Philippines (PUP) System (15,000), De La Salle University iti Maynila ken Laguna, iti University of the East (UE)-Manila, Our Lady of Fatima University, De La Salle-College of St. Benilde ken Mapua University. Nag-walkout met dagiti estudyante ti De La Salle Araneta University iti Malabon City idi Oktubre 20. Iti kabuklan, mappatta-patta a nasurok 40,000 estudyante ken kabataan iti intero a pagilyan ti nakipaset iti tignay walkout kontra korapsyon manipud Setyembre.

Saan nga agpagungon ti kabataan iti sango ti panaggandat ti rehimen Marcos a pawilan isuda. Intuloy da dagiti protesta iti laksid ti

naiyulat nga agsasaruno a "bomb threat" kadagiti unibersidad ken eswelaan iti adu a prubinsya iti gagem nga idiskaril ti umad-ado ken sumansansan a panagtignay.

Binabalaw da met ti panagipawil ti estado, kabilang ti panagipaawag ti Philippine National Police kadagiti lider kabataan ken peryodista iti kampus gapu iti panakairaman da iti protesta ken rinupak idia Mendiola, Manila idi Setyembre 21. Kabilang kadagiti inpaawag dagiti pulis ti maysa a peryodista ken estudyante ti PUP ken organisador ti grupo a Kalayaan Kontra Korapsyon.

Idi Oktubre 12, nagummong dagiti biktima ti kinaraggas dagiti pulis, nga adu ket kabataan, iti protesta a Setyembre 21 a naawagan a Mendiola 277. Kadwa da dagiti kapamilya, abugado ken grupo iti karbengan-tao, binukel da ti Alyansa laban iti Korapsyon ken Brutalidad ti Pulis wenno AKAB. AB

Dagiti tignay ti umili kontra korapsyon, lumawlaw

Malaksid iti tignay dagiti kabataan ken estudyante, agtultuloy met ti protesta a kontra korapsyon dagiti mangmangged, nakurapay iti syudad, mannalon, mangngalap, tao't simbaan ken dadduma pay a sektor. Kuna da, agtuloy-tuloy dagiti protesta agingga nga awan ti mapagsungbat a korap iti krimen da iti umili.

Idi Oktubre 7, dumanon iti 17,000 ti dimmar-ay ken nakikaykaysa iti martsa ken misa ti umili idia Baguio City. Kalpasan ti dua nga aldaw, agkakadwa a nagmartsa dagiti residente ti San Jose Del Monte City idia Bulacan.

Idi Oktubre 11, nasurok 3,000 ti dimmar-ay iti kararag kontra korapsyon idia Bacolod City. Didiay met laeng nga aldaw, rinibo a parokyano ken tao't simbaan ti nakipaset iti maysa a pagna para iti hustisya laban iti korapsyon idia Sampaloc, Manila. Naisayangkat met idia Albay ti maysa a martsa.

Idi Oktubre 12, naisayangkat ti pagna kontra korapsyon idia San-

tiago City, Isabela nu sadinno a nasurok 500 ti nakipaset iti aktibidad. Didiay met laeng nga aldaw, maysa a rali ti balbaliw a naisayangkat idia Meycauayan, Bulacan. Kalpasan ti dua nga aldaw, nagisayangkat ti fluvial parade iti Manila Bay dagiti mangngalap ti Cavite.

Idi Oktubre 17, nagikasa ti protesta dagiti unyon ti mangmangged iti salinong ti Kilusang Mayo Uno idia Laguna. Maysa met a rali ti inyaramid dagiti progresibo a grupo iti Cebu didia ng aldaw. Kalpasan ti maysa nga aldaw, nairuswat met ti maysa a protesta iti La Trinidad Public Market idia Benguet.

Idi Oktubre 19, rinibo ti nakipa-

set iti martsa ken kararag laban iti managdadael a dredging, korapsyon ken dinastiya iti pulitika idia Vigan City, Ilocos Sur. Kalpasan ti maysa nga aldaw, inyaramid dagiti inna ken babbai ti maysa a zumba kontra korapsyon idia Quezon City.

Agtultuloy met ti Black Friday Protest dagiti progresibo a grupo. Inruswat met ti simbaan itay nabiit ti bersyon ti tignay kada Biyernes.

Inyanunsyo met ti United People Against Corruption daytoy a bulan ti plano nga agipila ti maysa nga indemnity class suit laban kadagiti kongresista, kontratista ken upisyal ti guberno a karaman kadagiti naanomalya a proyekto a flood control.

Idia Hong Kong ken Canada, binukel met dagiti grupo a Pilipino daytoy Oktubre dagiti alyansa a sumupsupyat iti kunniber iti Pilipinas. AB

Kabataan iti komunidad, makidangadang para ti nailyan demokrasya

Idi Setyembre 21, bimtak iti sakaan ti Mendiola ti agburburek a pungtot ti kabataan iti nalawa a korapsyon ken kinaawan ti sungsubangan dagiti kangatwan nga upisyal iti pagilyan. Adu kadagitoy a kabataan ket nagtaud kadagiti nakurapay a komunidad. Situtured a kinumpronta da dagiti pulis a nabayagen a mangilupit-lupit iti kapada da a nakurapay. Nalawag ti pannirigan da a dagiti pulis ket salaknib dagiti mangidadanes nga agar-ari a dasig. Saan da a nagpakigtot. Saan da nga ingkankano ti tirgas, bomba ti danum ken dagiti batuta. Nalawag kadakwada ti kinausto ti panaglaban.

Segun iti datos ti estado idi Hunyo 2025, adda iti 20.2 milyon dagiti kabataan wenno agtawen 15-24 anyos, manipud iti kabuklan a populasyon ti pagilyan a 116.9 milyon. Ti 19.66 milyon kadakwada ket naidalupo iti kinarigat. Adda iti 7.2 milyon ti kabataan a saan nga agad-adal, bayat nga adda iti 2.36 milyon ti kabataan a saan nga agis-iskwela ken saan met nga agrabtrabaho. 50.3% ditoy ket lalaki ken 49.7% ket babai.

Gubway ti nakaro a kinarigat, mapilpilitan dagiti kabataan a Pilipino a nasapa a mangged imbes nga agadal. Ngem adu kadakwada ti saan a makabirok ti disente a panggedan gapu iti krisis ti atrasado nga ekonomya. Bukbuklen da ti dakkel a paset ti dasig a mala-proletaryado. Isuda ket paset ti rinibribo a reserba a pigsa't tegged iti kasyudadan. Makasapsapul da laeng iti pamastrekan iti kumporme a saan a regular a trabaho. Ti sumagmamano kadakwada ket naiduron kadagiti anti-sosyal nga aramid gapu ta awanen ti sabali a pamastrekan da.

Dagiti kabataan a nakurapay, kabilang dagiti pamilya da ket awanan ti nasayaat a pagtaengan. Ginasut a ribo a pamilya ket agnanaed kadagiti lugar a lumlunned iti la-yus tunggal napigsa ti tudo. Naranggas a mademdemolis dagiti komunidad da wenno mapuoran dagiti balbalay da tapno pagtalawen isuda ken ilako ti daga a nakaitakderan dagiti ba-

lay da kadagiti dadakkel a kumprador ken gangannaet a negosyante.

Kas kadagiti nagannak da, biktima da ti korapsyon, panagbaybay a ken pasismo ti estado. Isuda dagiti nagbalin a saksi ken biktima ti nadara a gera a kontra droga ti nalabas a rehimen Duterte nga agtultuloy agingga iti agdama. Masansan a puntirya isuda ti abuso ken brutalidad dagiti pulis ken araramaten kadagiti ilegal nga aktibidad da. Kas ti nalawa nga umili, agtartarigagay da ti panagbalbaliw iti gimong, ken ammo da, kas kabataan, ti rebbengen da a baliwan ti gimong.

Ti akem ti kabataan iti panangiyabante iti nailyan a demokrasya

Napateg ti akem ti kabataan iti dangadang ti umili a Pilipino para iti nailyan a wayaway ken demokrasya. Segun ken Jose Maria Sison a nangibangon ti Kabataang Makabayan (KM) ken Com-

munist Party of the Philippines, kasapulan nga agorganisa dagiti kabataan tapno labanan dagiti kontra-umili a patakaran ken ilaban ti pagimbagan da kas kabataan ken paset ti umili.

Idi dekada 1960, inyuna ti KM ti panangisayangkat kadagiti nailyan demokratiko a dangadang. Militante a nangidaulo daytoy ken nagorganisa kadagiti kabataan kadagiti pagadalan, pabrika, kadagiti propesyunal ken kadagiti komunidad. Kalpasan a maiyatnag ti Martial Law, adu kadagiti kameng daytoy ket nagturong iti kaaw-awayan ken nagserbi a bin-i ti New People's Army iti nadumaduma a paset ti pagilyan.

Iti panaglaban iti diktadura idi dekada 1970 agingga 1986, timmaud dagiti adu pay a grupo ti kabataan a limmaban ken nagsakripisyo tapno gibusan ti rehimen US-Marcos. Malaksid kadagiti organisasyon kadagiti pagadalan, binukel dagiti kabataan dagiti timpuyog iti komunidad. Kabilang ditoy ti Kadena (Kabataan para sa Demokrasya at Nasyunalismo) a nakabase ken buk-buklen dagiti kabataan iti komunidad. Naibangon daytoy idi 1984 idi ay Silang, Cavite tapno pagkaykaysaen ti nadumaduma nga organisasyon ti kabataan iti komunidad iti balangkas ti dangadang para iti nailyan a demokrasya.

Ti Kadena ket militante a nagorganisa ken nagpatignay ti ginasut a kabataan kadagiti sentro ti syudad ken napasas a nagpalawa iti nadumaduma a paset ti pagilyan kas iti Southern Tagalog ken Visayas. Nakipaset da met iti panangpadisi iti diktadura a Marcos idi

Suruten iti panid 5



Internasyunal a delegasyon, linipit ti rehimen Marcos

Riniribuk ket binutbuteng dagiti elemento ti Armed Forces of the Philippines dagiti delegado ti International Solidary Mission (ISM) a nagisayangkat ti imbestigasyon ken panagadal manipud Oktubre 11 agingga 14. Adda iti Pilipinas ti delegasyon tapno amwen ti mapadpadasan a krisis iti klima, panagamrud iti kalikasan ken militarisasyon iti komunidad dagiti mannalon ken katutubo idia Rizal, ken kadagiti isla ti Mindoro, Samar, Leyte ken Negros.

Naparang a tiniktikan ken inalangan ti ladawan dagiti soldado dagiti nakaangayan ti aktibidad ti ISM. Inalala da ti nagan, sinurot ken pinaliiv dagiti armado agingga kadagiti pagdagdagusan da dagiti delegado. Manano a daras met a nagpatayab dagiti militar ti *drone* iti rabaw dagiti kampuhan a nakaaramidan dagiti imbestigasyon.

Idi Oktubre 14, napilitan dagiti delegado a leppasen a nasapsapa ti aktibidad da idia Mindoro gapu iti panagsangpet ti pinullo a pulis ken soldado a nagawit ti atitiddog a palatog iti kampuhan. Nangitunda daytoy ti nakaro a buteng kadagti katutubo ken delegado. Idia Rizal, agdadata a naparitan da nga agiyaramid ti aktibidad gapu ta awan ti "permit" da. Idi pimmanaw dagiti bimmisita a delegado, tuloy-tuloy a riniribuk dagiti soldado dagiti katutubo a Mangyan idia Mindoro ken Dumagat idia Rizal.

Segun iti katutubo a Dumagat idia Tanay, Rizal, simmansan ti presensya ti militar iti komunidad ken kalpasan ti ISM ket nagpaawag da kadagiti residente para iti interogasyon. Idia Abra de Ilog, Occidental Mindoro, agtultuloy ti panaglipit dagiti soldado iti komunidad a makaap-apektar iti panagsapul dagiti residente ken mangituntunda ti bisin

kadagiti mannalon.

Kagiddan ti panaglipit iti ISM, awan-sarday met ti panagabuso ti militar iti dadduma pay a paset ti pagilyan.

Pasista nga atake idia Negros. Awan sarday ti pasista a pangatake dagiti soldado iti isla iti napalabas a bulan. Naimaldit ti agtuon a kaso ti panaglabsing iti karbengan-tao iti kangitingitan dagiti operasyon kombatan da iti adu a barangay.

Kaudyan kadagitoy ti panagpalatog ti 79th IB a nakasugatan ti mannalon a ni Kato Rizal ken iti menor-de-edad a kaanakan na bayat nga agal-ala da ti diro idia Sitio Nabaisan, Barangay Minapasok, Calatrava, Negros Occidental idi Oktubre 17 ti bigat. Iti maudi nga ulat ket saan pay a natunton ti ayan ti menor-de-edad.

Idi Oktubre 7, rinansak ti 94th IB ti balay ti maysa a mannalon idia Sityo Manluke iti Barangay Carabalan. Maysa a mannalon met ti dinukot ti 94th IB idia Barangay Buenavista ken pwersado a pinaggiya da iti operasyon kombatan. Idia Toboso, pwersado a sinerrek ken rinansak ti 79th IB ti balay ti dua a mannalon idi Oktubre 11. Idia Negros Oriental, naiyulat met ti panagtakaw ken panagkampo ti 62nd IB

kadagiti sentro ti komunidad, simbaan ken eskwelahan.

Panaglabsing iti IHL. Parparigaten ken liplipiten ti 703rd IB de ti pamilya ken dagiti grupo iti karbengan-tao iti panangbawi iti bangkay ti maysa a dakdakamaten da a Nalabbaga a mannakigubat a napatay iti labanan ti militar ken NPA idia Norzagaray, Bulacan idi Oktubre 17. Kinundenan dagiti grupo iti karbengan-tao ti panagkedked ti militar nga ited iti pamilya ti bangkay ken ti militarisasyon iti punerarya a nakaimassayagan daytoy. Agduduma met ti istorya ti militar kanaig iti napasamak a labanan ken ti panangituldod iti bangkay.

Idia North Caloocan, kimmaro ti militarisasyon ti NTF-Elcac ken ti 12th Civil Military Operation kadagiti barangay manipud idi Oktubre 6. Sinakop ti militar ti Barangay 175, 181-182 Pangarap Village ken Barangay 187-188. Isaysayangkat daytoy ti kampanya ti *Red-tagging* ken panaglipit kadagiti kameng ti progresibo a grupo.

Pammapatay. Brutal a pinatay ti lallaki a nakalugan iti motorsiklo ni Niruh Kyle Antatico idi Oktubre 10 idia Barangay Patag, Cagayan de Oro City. Ni Antatico ket dati a *senior legal researcher* iti National Irrigation Administration Region 10 a madakdakamat a nangibunannag iti nakaad-adu a kunniber ken anomalya iti uneg ti ahensya kabilang ti mapukpukaw a pondo, *substandard* a proyekto ken dagiti peke a kontrata. Immawag ti hustisya ti Nafedac Courage para ken Antatico. AB

Manipud iti panid 4

1986. Simmardeng ti panagorganisa ti Kadena idi 1990. Iti baet daytoy ket naitakder ti organisasyon nga Anakbayan, a nagorganisa kadagiti kabataan iti komunidad ken nakipaset iti panangpadisi iti rehimen Estrada idi 2001.

Pinaneknekan dagiti grupo a KM,

Kadena ken dadduma pay nga organisasyon a ti komunidad ket saan a maatyanan a bubon ti militante a kabataan a natured ken agresibo a mangiyab-abante ti nailyan-demokratiko a tarigagay ti umili.

Iti impakita da a militansya idi Setyembre 21, sigurado nga ad-ad-

da pay a rumegta ti panagtignay dagiti kabataan, nangruna manipud kadagiti nakurapay a komunidad, nga agturong iti kalsada ken iti kaaw-awayan tapno ilaban ti pudno a panagbalbaliw iti gimong ken wawaya a nabayagen a tartarigagayan ti nalawa nga umili. AB

Makapadul-ok a korapsyon ti burukrata-kapitalista a militar

Iti pannakaibulgar ti korapsyon ti burukratiko kapitalista a sistema, saan a nakaskasdaaw ti kagiddan a panagatibuor ti bangsit dagiti burukrata-kapitalista iti militar. Naibunannag itay nabiit ti naanomalya a proyekto nga imprastruktura a pakairamramanan ti Armed Forces of the Philippines (AFP) kakumplot dagiti kunniber a kontraktor. Rimwar metten nga adda ti dakkel a bingay daytoy (P50 bilyon) iti *unprogrammed appropriations* para iti 2026 manipud iti pork barrel ti presidente.

Dumanon iti P15 bilyon ti kinurakot ken nabusbos iti 944 nga imprastruktura a militar iti uneg ti Tatag ng Imprastruktura para sa Kapayapaan at Seguridad (TIKAS) Convergence Program manipud 2023 agingga iti agdama. Naibunannag iti panagdengngeg ti senado a 421 kadagitoy a proyekto ket saan a pudno (ghost), bayat a 648 ti nailista a "nalpasen" idinto a simmardeng ti konstruksyon kadagiti umuna a tukad isu a saan a naaramat ti pondo.

Loklokwen ti hepe ti AFP a ni Romeo Brawner Jr ti umili iti panagkuna nga awan ti nakainaigan ti militar iti panagtakaw iti pondo a TIKAS, nangruna ta dagiti kumander ti AFP Unified Command ken pangrehiyon a direktor ti Department of Public Works and Highways (DPWH) ti mangikedkeddeng nu anya ken sadinno a maitakder dagiti proyekto daytoy. Agkabadang nga imatmatonan ti Department of National Defense (DND) ken DPWH ti panangikeddeng ti pagrukodan, panagplano ken panangsubaybay iti implementasyon babaen ti TIKAS Central Technical Working Group. Kasta met nga amin a proyekto a TIKAS ket nakapauneg wenno adda laeng iti aglawlaw ti kampo militar.

Kunniber a natural iti burukrasya

Kas kadagiti kapada da a kurakot iti burukrasya a sibil, ar-aramaten dagiti burukrata-kapitalista iti militar ti pusisyon da iti estado tapno agakup ti kinabaknang. Intakder ti imperyalismo a US ti pasista nga AFP idi 1935 tapno agserbi nga adigi ti aso-aso nga estado a naibangon idi 1946. Dimmakkel a dimmakkel

daytoy iti salinong ti diktadura a Marcos Sr agturong ti 142,000-soldado para iti brutal nga implementasyon ti linteg militar. Manipud idi, tuluy-tuloy daytoy a binussog dagiti pasuksok, kontrata ken pabor ti nagsisinnublat nga agar-ari a bungoy manipud ken Corazon Aquino agingga iti agdama a rehimen.

Kadagiti napalabas a dekada, naidokumento ti panagurnong dagiti heneral ti sobra a napresyuan a kontrata ti panagatang kadagiti ramit militar kabilang dagiti paltog, *howitzer*, *armored vehicle*, *jetfighter*, helikopter ken barko. Naibulgar a kumakaud dagiti heneral ti 10-30 porsyento a kikkak kadagiti kontrata para iti bala ken paltog. Saan a mapengdan nga agraraira dagiti ubbaw a deliberi ti suplay, peke a transaksyon para kadagiti armas ken ramramit ken pannakikunsabos kadagiti suplayer ken kontraktor. Idi 2011,



timmapok ti maanomalya a tradisyon ti "pabalon," nu sadinno a tinawen a maur-urnong ti dumanon iti P1.5 bilyon a badyet ti DND kas papremyo kadagiti agretireto a heneral. Uray ti pensyon dagiti soldado a naan-anay a pondpondoan ti estado ket mataktakaw babaen ti panagbayad iti rinibo a "ghost retiree."

Dagiti heneral ket mahilig iti panagpaaramid kadagiti napipintas nga upisina ken pagpapintas kadagiti kampo a kumakautan da ti dadakkel a kikkak. Nalatak met ti masansan a panagbakasyon da ken ti pamilya da iti ruar ti pagilyan, dagiti nangingina a lugan ken balay ken kabuklan a nabarayuboy a panagbiag da.

Idi 2018, maysa pay a senador ti nagibulgar iti nasaknap a korapsyon ti "Davao Group," maysa a grupo dagiti heneral nga asideg ken Rodrigo Duterte, iti panagatang ti armas ken ramit-militar iti linged ti "modernisasyon" ti AFP. Daytoy Oktubre, napilaan ti kaso iti Ombudsman ti koronel nga agserserbi a hepe ti grupo a pangseguridad ni Sara Duterte gapu iti pannakaisangkot na iti panagtakaw ti bise presidente iti P125 milyon a *confidential and intelligence funds*.

Panagkadwa ti AFP ken NTF-Elcac

Dakkel met ti ibulbursa dagiti upisyal militar manipud kadagiti programa a kontra-insurhensya kas ti E-CLIP a maar-aramat para iti ubbaw a programa ti "panagpasurender" kadagiti sibilyan ken dagiti proyekto nga imprastruktura ti Barangay Development Program ti NTF-Elcac.

Iti kaso ti BDP, dagiti yunit ti AFP ti mangitudtuding nu sadinno a barangay ti pakaaramidan dagiti *farm-to-market road* (FMR). Adu kadagitoy ket *ghost project*, bayat a ti dadduma ket duplikasyon, sobra

Suruten iti panid 7

14th IB, inambus ti NPA-Leyte

ITI KAASIDEG A lima a metro, pinaputukan ti maysa a yunit ti New People's Army (NPA)-Leyte Island (Mt. Amandewin Command) ti pasista a tropa ti 14th IB iti ili ti Javier, Leyte idi Oktubre 15 ti bigat. Segun iti yunit, adu ti naimaldit a kaswalti kadagiti berdugo a soldado.

Ti yunit ti 14th IB nga adda iti erya ket agiyar-aramid idi ti aw-awaganda a *combat-clearing operations* kadagiti turod ken karayan iti baet ti Barangay Odiong ken Barangay Caraye idia Javier. Ti operasyon ket paset ti nasaknap nga operasyon a kombatan ti 14th IB kadagiti barangay a saklaw dagiti ili ti Javier ken Abuyog.

Patraydor ken takrot nga inbaw-ing ti 14th IB ti atake daytoy iti sibilyan nga umili iti Barangay Caraye, Javier. Kasaruno ti opensiba ti NPA, inyatnag ti 14th IB iti komunidad ti hamlet wenno "lockdown" nu sadinno a maparparitan ti masa nga agturong kadagiti taltalon da.

Tapno kaluban ti pannakaabak da, naglubid ti inuulbod ti 14th IB ken 802nd IB nga adda nakumpiskar da a riple manipud iti NPA iti panagatake. Nagiruar pay ti militar iti *social media* kadagiti peke a ladawan dagiti paltog nga "imbati" kano ti NPA.

Manipud iti panid 6

a presyo, nababa a kalidad ken maar-aramid iti saan a natalged wenno saan a maiyannatup a paset ti barangay. Dagiti batalyon ti AFP ket agserserbi a gwardya dagito a proyekto.

Idia Northern Mindanao, kaspangarigan, naikkan ti pondo a ₱17.6 bilyon ti AFP ken NTF-Elcac para iti 142 FMR idi 2020. Adu kadagiti barangay a nasagutan ditoy ket dagiti kampo, detatsment wenno presensya ti RCSP ti AFP. Ti kangi-naan kadagitoy nga FMR ket agbalar ti ₱67.5 milyon kada kilometro, lima a daras a nangatngato kumpara iti nailyan nga abereyds. Dandani amin a kontrata ket naala ti Ulticon Builders, nga asideg iti dati a rehimen Duterte.

Idia Samar, dumanon ti uppat a tawen sakbay a nalpas ti NTF-Elcac ti panangsemento iti 400-metro a kalsada iti tengnga ti kapagayan idi 2024. Ti proyekto ket agbalar ti nakanginngina a ₱14 milyon, wenno ₱35,000 kada metro. Ti kalsada ket dimmanon laeng iti murdong ti kaabay a barangay ken adayo la unay kadagiti sentro nga ili.

Kagiddan daytoy, kurkurakoten met dagiti soldado ti pondo para kadagiti paspasukwen da a sibilyan. Uray dagiti ayuda a bagas ken de-lata ket maletletrato laeng a mait-ited, kalpasan na ket alaen da met laeng kalpasan dagiti parada ken pammarang a seremonya a kontra iti rebolusyonaryo a tignay.

AB

Lider-rebolusyonaryo idia Panay, napadayawan

PINADAYAWAN TI Komite ti Rehiyon ti Communist Party of the Philippines iti Panay ti maysa kadagiti naisangangayan a lider ti rebolusyonaryo a tignay iti rehiyon a ni Roberto Moises Cabales (Ka William) a pinatay ti militar ken pulis idi Oktubre 5 ti rabii idia Barangay Coto, Lambunao, Iloilo. Parparwaren dagiti pwersa ti estado a limmaban ni Cabales ken ti kadwa na a ni Mateo Suarez (Ka Badong) bayat a maiserserbi kano ti mandaymento de aresto kadakwada. Pinaglibakan dagiti residente ti barangay nga adda ti napasamak nga engkwentro.

Iti kina-agtutubo na, ni Cabales ket nagadal tapno agbalin a duktor. Iti unos ti lima a dekada, nagserserbi isuna iti masa a Pilipino ken nagbalin a kabadang ti Komite ti Rehiyon iti panangidaulo iti rebolusyonaryo a tignay iti Panay. Ni Cabales ket maysa met a balud-pulitikal idi 1999.

Kabayatanna, ni Suarez ket dati a kameng ti NPA a nagretiro mano a tawenen ti napalabas gapu iti pisikal a kasasaad. Kalpasan daytoy, nagtalinaed isuna a napudno ken nangato ti tarigagay na a makatulong iti rebolusyonaryo a tignay. Nagbalin met a balud pulitikal ni Suarez idi 2012.

Panawagan dagiti mannalon, naipan iti nailyan a kabisera

NAGISAYANGKAT TI makalawas a protesta dagiti organisasyon ti nadumaduma a sektor kas pananglagip iti bulan dagiti pesante. Tapno itampok ti panawagan dagiti mannalon, intakder da ti maysa a kampuhan iti sango ti Department of Agrarian Reform Central Office idia Quezon City manipud Oktubre 15 agingga 21. Naisayangkat iti kampuhan ti panagbisita, pannakikaykaysa ken innadal karaman ti nadumaduma a sektor. Naangay dagiti *workshop*, *medical mission* ken panangipaay ti materyal a suporta kadagiti mannalon.

Malaksid ditoy, maysa met a rali ti inyuna ti Amihan idi Oktubre 15 tapno lagipen ti Sangalubongan nga Aldaw ti Babbai a Mannalon. Idi Oktubre 16, nagmartsa manen dagiti grupo iti Quezon City iti panangiyuna dagiti mannalon manipud iti isla ti Negros para iti Sangalubongan nga Aldaw ti Panagbisin. Kabigatanna, nagprotesta da iti hedkwarters ti Armed Forces of the Philippines idia Quezon City tapno kundenaren ti militarisasyon iti kaawayan. Maysa a rabii ti pabuya ti insayangkat da ken dagiti grupo ti artista idi Oktubre 19 idia UP Diliman. Nagprotesta da met iti Department of Social Welfare and Development idi Oktubre 20 tapno irupir ti kumpensasyon para iti danyos a gubway ti didigra.

Agalimpatok ti protesta dagiti mannalon iti Oktubre 21, anibersario ti bogus a reporma iti daga ti Presidential Decree No. 27 ni Marcos Sr. Agtignay da a kadwa ti daduma pay a sektor idia Liwasang Bonifacio laban iti korapsyon ti rehimen Marcos ken bunggoy a Duterte. Ipanawagan da ti panangpadisi iti poder ti dua a dadaulo a kurakot.

Daldalyasaten dagiti propesyunal ti dana ti gubat ti umili

Iti sango ti kumarkaro a pasismo ti rehimen Marcos, ad-adda a bumarbara ti rebolusyonaryo a determinasyon dagiti manursuro, duktor, nars, siyentista, inhinyero ken dadduma pay a propesyunal a pumaset ken sumuporta iti gubat ti umili. Tuluy-tuloy a pappapigsaen da dagiti rebolusyonaryo nga organisasyon da tapno agserbi a bubon ti suporta ken baro a mannakigubat ti New People's Army (NPA).



Iti inspirasyon ti tignay panagilinteg ti Partido, balbaliw a napapigsa ti Katipunan ng mga Gurong Makabayan (Kaguma), Makabayang Samahang Pangkalusugan (MSP) ken Liga ng Agham para sa Bayan (LAB). Dagitoy a timpuyog ket naregta nga agiyeb-ebkas kadagiti napupudot a pakaseknan ti umili. Regular wenno masansan nga iruruar da dagiti rebolusyonaryo a pangmasa a pagiwarnak da: Ang Rebolusyonaryong Lunas ken Dagling Lunas (MSP), Liyab (Kaguma) ken Agham Bayan (LAB).

Dagiti patriyotiko a manursuro

Idi Enero, naitakder ti Kaguma ti maysa a baro a balangay iti maysa nga unibersidad. Kabilang iti napili nga upisyal ti balangay ti baro a kameng daytoy a ni Ka Amber a narekrut idi maudi a paset ti 2024. "Agar-arikapak pay laeng tatta ngem kaanoman ket saan ko a narikna nga agkurangak uray kabarbaro ak pay gapu iti nasayaat a pannakilangen ken panagtulong dagiti kakadwa," segun ken Ka Amber.

Iti sango ti adu a trabaho ken dagiti personal a sangsangwen iti biag, ikagkagumaan na a tuloy-tuloy a makaakem iti rebbengen na kas upisyal ti balangay. Kunana, maararamid na daytoy iti panagkapet kadagiti prinsipyo ken panagsungbat iti saludsod nga "apay" ken "para siasino."

Segun iti Kaguma, kasapulan a papigsaen ti bagbagi daytoy tapno direkta a makipaset iti armado a dangadang, mangibingay iti NPA ken

tumulong iti panagorganisa iti kaawayan para iti panagpanday ti rebolusyonaryo a panagkaykaysa ken dangadang ti umili.

Panangagas iti krisis ti kagimongan

Iti maysa a larangan gerilya iti Luzon, simrek ti maysa a pangkat ti MSP a bukbuklen dagiti duktor, propesyunal ken estudyante iti salun-at tapno agiyaramid ti maysa a misyon medikal para iti masa ken hukbo. "Iti panagserrek iti sona, saan a nalaka ti naglasatan ken napadasan mi nangruna ta kapatur ti napigsa a panagtutudo," panangibingay ti maysa a duktor.

Intakder da ti maysa a klinik nu sadinno nga inangay da ti konsultasyon kadagiti pasyente ken paandaren ti bassit a laboratoryo. Tinaming ti MSP dagiti simple agingga kadagiti kumplikado a sagubaniit a pisikal ken mental dagiti Nalabbaga a mannakigubat.

Iti uneg ti hukbo, napadasan da ti simple a biag, dagiti sakripisyo iti panangiyabante ti gubat ti umili ken ti nabara a panangawat ti masa a mannalon kadakwada. "Dagitoy a kapadasak ti ad-adda a mangpatibker ken mangpabara iti rebolusyonaryo a pangngeddeng ko," istorya pay ti duktor.

Kabayatanna, nagisayangkat ti asembliya dagiti estudyante iti salun-at manipud iti nadumaduma nga unibersidad tapno itakder ti maysa a balangay ti MSP idi Agosto 2. Dakkel nga addang daytoy para iti panang-

paarakup ti MSP kadagiti estudyante iti demokratiko a rebolusyon ti umili.

Dagiti siyentista para iti DRU

Innem a bulan ti programa para iti *tour-of-duty* (TOD) iti NPA ni Ka Langga, kameng ti LAB ken maysa a dati nga estudyante ti kurso a *computer engineering* iti maysa a pribado nga unibersidad. Iti daytoy a panawen, limmatak ti pagayatan na a sibubukel a panawen nga agserbi iti kaawayan. "Idi nag-TOD ak, adadda a napatibker ti pangngeddeng ko nga agpultaym gapu ta naan-anay a nakitak daytoyen ken napaneknekak ti kinausto ken pagkasapulanan nga agserbi kas mannakigubat," kunana.

Nakita na mismo ti nabara a panangsarabo ken panagayat ti masa iti hukbo ti umili iti larangan a matigtignayan. "Isuda pay laeng a kakarwan a magungundawayan ti makaaramid a mangpakan iti hukbo ken tumultulong iti panagala ti suplay para iti panagtalinaed da ken makipaspaset kadagiti rebolusyonaryo a trabaho," istorya na.

Iti kaawayan, agtultuloy met a panpandayen ti LAB dagiti aktibista ken kadre daytoy kas pultaym nga organisador iti sektor. Pamuspusan met daytoy tapno ingato ti kamulatan ken kinasagana dagiti kameng da a daldalyasaten ti dana ti armado a dangadang kas ken Ka Langga.

Naadaw iti Liyab, Ang Rebolusyonaryong Lunas ken Agham Bayan. AB

₱243

BILYON

unprogrammed appropriations

iggeman ni Marcos iti 2026 badyet nga inpasa ti House of Representatives. Kabilang daytoy iti kabuklan a ₱696 bilyon a pondo a *pork barrel* para iti Malacañang ken Konggreso.



₱10.3

BILYON

a proyekto a *farm-to-market* iti 2023 ken 2024 badyet ti natuonan ti 70% iti presyo. Kangatwan ti gatad a ₱348,000/metro a 23 daras a dakdakkal iti naituding a ₱15,000/metro ti DPWH.

82.4%

ti nasurok **1.89 milyon a mannalon** iti Eastern Visayas ti awanan bukod a daga. Iti laksid daytoy, awan ti nasayaat a programa ti reporma iti daga ti reaksyunaryo a gubyrno para kadakwada.

₱8.8

BILYON

lugi ti GSIS gapu iti nalugi a panagpuonan kadagiti pribado a kumpanya. Pangta daytoy iti nagrigatan nga urnong dagiti empleyado iti gubyrno, a rekisito nga ideposito iti ahensya para iti pensyon da.



7

iti

14

kooperatiba dagiti drayber idia **Iloilo** a pimmauneg iti ubbaw a programa a modernisasyon ket agngangabit a malugi tatta gapu iti saan a mabayadan nga utang iti panaggatang ti nangina nga *e-jeep*.

37.8

MILYON

Pilipino ti nakapadas ti apag-isu ken nakaro a kinaawan ti taraon gapu ti kinarigat idi 2022-2024. 55 milyon wenno 44% ket awanan kabaelan a gumatang ti nasustansya a taraon.



6

apipigsa a gingined (nasurok magnitude 6)

ti nangdayyeg iti Pilipinas iti uneg ti 18 aldaw a narikna idia **Bogo, Cebu; Manay, Davao Oriental; General Luna, Surigao del Norte** ken **Pagudpud, Ilocos Norte**. Manipud Setyembre 30 agingga Oktubre 17, nakailista ti **Phivolcs** ti saan a bumaba iti 14,220 *aftershock*, nu sadinno a 12,704 agtaud iti baro a takwat a **Bogo Bay Fault**.

Pinagkunan: *Phivolcs*

11

tawen

manipud idi pinatay ni **US Marine Joseph Scott Pemberton** ti *transwoman* a ni **Jennifer Laude**. Iti laksid ti keddeng a nagbasol, sinagutan ni **Rodrigo Duterte** ni **Pemberton** ti *absolute pardon* ken napalubosan a makaawid iti **US**.



6 a dekada dagiti nagun-od ti tignay mannalon idia Eastern Visayas

Iti sango ti nasaknap ken kumarkaro pay a pyudal ken malapyudal a panaggundaway idia Eastern Visayas (EV), rumbeng laeng a sublian ti masa a mannalon ti pakasaritaan ti sangsangkamaysa a dangadang da. Nasken nga umadaw da kadagiti adal ken inspirasyon iti innem a dekada ti narimat a balligi a nagun-od iti sangsangkamaysa a pannakidangadang.

Usar ti rebolusyonaryo a tara-bay para iti reporma iti daga ti Partido, nagtignay ti nalawa a masa ti mannalon iti EV tapno maibaba ti abang ti daga, maingato ti tangdan dagiti mangmangged-talon, was-wasen ti usura ken ingato ti produksyon da.

Kadagiti katalalonan, sinango dagiti mannalon dagiti apo't daga kadagiti kumprontasyon tapno irupir ti karbengan da. Kadagiti kop-rasan, nagun-od da ti 60-40 a bingayan iti neto a pastrek a pabor iti mannalon manipud iti dati a bingayan a 90-10. Naiduron da ti apo't daga a baklayan ti 50% ti gastos iti panagbunag ti kopra, isu a ngim-mato ti sapul ti mannalon.

Kadagiti lugar a nadanon ti nangatngato a tukad ti panagkaykaysa, naipangabak dagiti mannalon ti bingayan a 50-50 nu sadinno a maikiskissayan ti gastos iti panagbunag ti produkto sakbay a mabinngay daytoy. Daytoy ket balligi manipud iti dati a sistema nu sadinno nga awan ti kontribusyon ti apo't daga iti produksyon. Kadagiti lugar nu sadinno a nasaknap ti bingayan a tersyuan (1/3) a pabor iti apo't daga, naipangabak dagiti mannalon ti bingayan a 50-50.

Adda met dagiti lugar a nairupir ti panagpababa ti interes ti utang manipud 20% tunggal bulan agturong ti 10%, ken awan ti ganansya nu makabayad sakbay ti maysa a bulan. Naikkat metten ti kundisyon a "tubos" kadagiti naisalda a daga ken nu nadanun ti 100-150% a ganansya manipud iti nausar a kapital ket awtomatiko a maisubli ti daga iti manna-

lon a nagisalda. Naiduron met nga agtuloy nga agtalon ti mannalon ti naisalda a daga tapno masigurado nga adda pangalaan na iti pagbayad ken para iti inaldaw a gastos.

Iti sumagmamano nga erya, naipatungpal ti kumpiskasyon ti daga manipud kadagiti despotiko ken kontra-rebolusyonaryo nga apo't daga kas panangiyatnag ti hustisya iti panaggundaway ken utang a dara iti masa. Adda met dagiti kaso nga inokupar dagiti mannalon dagiti nakatiwangwang a daga ti apo't daga, bayat nga adda dagiti nalawlawagan nga apo't daga a boluntaryo a nangipabpabulod wenno nagit-ited ti daga da ken dadduma pay a ramit iti produksyon.

"Nu awan ti tignay, dagiti mannalon ket setler iti bukod a pagilian," inyeckas ti maysa a mannalon. Agingga tatta, pagnumnumaran da pay laeng ti dakkal a tulong ken pakinabang kadagitoy a daga.

Tuluy-tuloy met ti kampanya

tapno ingato ti kabaellan iti produksyon dagiti mannalon. Naipasaknap ti kampanya a "tiklos-aglayan" nu sadinno a kolektibo nga agtitinnulong dagiti mannalon para iti produksyon. Napalawa daytoy dagiti pagmulaan, napalag-an ken napapardas ti trabaho, nakissayan ti gastos, nasigurado a makaanay ti taraon ken kangrunaan ket nagsanay da para iti kolektibo a tignay.

Napasamak met ti panagibunong ti nuang kas kangrunaan a ramit iti indibidwal ken komunal a produksyon. Nagbukel met dagiti mannalon ti sistema tapno mamaksimisa iti panagsukay dagiti donasyon a traktor ken dadduma pay a ramit iti produksyon manipud kadagiti ahensya ti estado ken dagiti pribado nga organisasyon.

Naibangon dagiti kooperatiba kas kadagiti kiskisan ken tiendaan ti basaran a kasapulan. Adda met ti kooperatiba tapno mailako iti usto a presyo ti ani ken dagiti produkto. Malaksid iti serbisyo ken nalaka a presyo dagiti basaran a gagatangen, nayon a pastrek ti timpuyog ti maal-ala manipud iti dibidendo. Adda dagiti koperatiba a n/agserbi a puonan ti pastrek tapno makagatang ti ramit iti produksyon kas ti daga ken nuang.

Sumagmamano laeng dagitoy iti adu a balligi ti tignay mannalon iti rehiyon. Agtululoy a salsalakniban da dagitoy laban iti napairteng a presensya ken tuluy-tuloy nga atake ti rehimen Marcos ken dagiti yunit ti 8th ID iti komunidad da. Iti sango ti terorismo ti estado, dagitoy a balligi ken kapadasan ti agserberbi a materyal a basaran tapno ad-adda pay a salakniban ti mannalon ti biag ken pagbiagan ken ilaban da ti maysa a gimong a pudno a demokratiko ken nawaya.



Ceasefire idia'y Gaza, saan nga umanay; panagsardeng ti henosidyo, naiyawag

Naipatungpal idia'y Gaza manipud Oktubre 14 ti maysa a *ceasefire* iti baet ti Zionista nga estado ti Israel ken grupo a Hamas nga inballaet ti US. Kaniwas iti ilaslastog ti presidente ti US a ni Donald Trump, daytoy ket saan a "regalo a diplomatiko," nu di ket resulta ti saan a magungon a pangngeddeng ti umili a Palestino a nagkedked nga isuko ti pagilyan da. Ginasut a ribo a Palestino ti magmagnan nga agsubli idia'y Gaza City tapno inut-inot a subboten ti biag da a dinadael ti henosidyo ti Israel.

Iti laksid ti katulagan, tuloy-tuloy dagiti panaglabsing ti Israel kadagiti karbengan ti Palestino. Adda iti 97 ti pinatay dagiti pwersa daytoy manipud Oktubre 14 agingga Oktubre 19. Idi Oktubre 19, kellaat nga insardeng ti Israel ti panagserrek ti ginasut a trak nga agip-ipan ti taraon iti uneg ti Gaza.

Iti paset ti Hamas, tinungpal daytoyen ti probisyon ti panangwayawaya iti amin a 20 a nabatbati nga iggem na a sibibiag a balud. Rinugyan met daytoyen nga iyakar ti kustodiya ti 23 a bangkay dagiti balud a napasag gapu iti awan sarday a panagatake ti Israel.

Idi Oktubre 7 ken dagiti aldaw kalpasan daytoy, sinubliyan ti minilyon nga umili iti intero a lubong ti maikadwa a tawen ti Al Aqsa Flood tapno suportaran ti nainkalinteg a panaglaban dagiti Palestino ken kundenaren ti henosidyo. Napasamak dagiti higante a tignay idia'y UK, The Netherlands, Spain, Italy, US, Canada ken Japan. Adda met dagiti tignay iti Pilipinas, kabilang ti protesta dagiti grupo a nailyan-demokratiko laban iti panagaramat ti Israel iti taraon ken ayuda kas armas. Idi Oktubre 17, napasamak ti kampuhan dagiti estudyante para iti Palestine iti uneg ti Ateneo de Manila University.

Iti tantya dagiti syentista ken eksperto, 680,000 ti kabuklan a pimmusayen idia'y Palestine nu sadinno a 380,000 ket maladaga ken dagiti ubbing nga agtawen 5 agpababa. Ti nasurok 68,000 kadakwada ket direkta a napatay dagiti bomba ken bala dagiti soldado nga Israeli.

Nakaimaldit met dagiti internasyunal nga ahensya ti 400 a panakatay gapu iti nakaro a bisin, kabilang ti 140 nga ubbing. Kabayatanna, adda iti 3,000 ti napasag bayat nga agur-uray wenno maki-innagaw ti ayuda ken taraon, nga adu kadagiti "death trap" ti Gaza Humanitarian Foundation a patpatarayan dagiti soldado nga Amerikano ken Israeli.

AB

Petisyon para iti *interim release* ni Duterte, inbasura ti ICC

INBASURA DAGITI husgado ti Pre-Trial Chamber 1 ti International Criminal Court (ICC) ti petisyon ni Rodrigo Duterte para iti *interim release* wenno temporaryo a pannakawayawaya iti Oktubre. Kunada, dakkal ti potensyal a libasan na ti hustisya ken pakibiangnan dagiti testigo nangruna ta agtaltalinaed a nabileg ti pamilya na iti Pilipinas.

Nadagsen nga inkonsidera ti ICC ti impluwensya iti pulitika ti pamilya a Duterte. Dinakamat ti korte ti pablaak ti anak na a ni Sara Duterte a nagilastog nga "ilibas" na ti ama na iti ICC ken ti akusasyon na a "panagkumplot" ti ICC ken ti gubyrerno ti Pilipinas.



Aksyon kontra demolisyon idia'y Marikina. Nalapdan dagiti residente ti Agora, Barangay Sto. Niño, Marikina City ti plano a demolisyon iti komunidad da idi Oktubre 15. Nagitakder da ti kampuhan idi Oktubre 14. Nasurok 53 a nakurapay a pamilya ti adda iti peggad a mapatalaw iti komunidad iti laksid ti nasuroken 40 tawen a panagindeg da iti lugar. Gapu iti protesta, nagkari ti lokal a gubyrerno ti relokasyon para kadagiti apektado a residente.

Barikada idia'y Benguet. Dumanon iti 400 a residente ti dua a barangay idia'y Mankayan, Benguet ti nagbarikada idi Oktubre 13 laban iti panagbasak ti Crescent Mining and Development Corporation iti ancestral a daga da. Ti barikada ket nagserberbi met a pormal a panangbuangay ti aliansa a No Mines Movement of Guinaoang and Bulalacao.

Tignay kontra-minas idia'y Dupax del Norte, NV. Manipud Setyembre 17 ket nagitakder ti barikada dagiti residente ti Barangay Bitnong, Dupax del Norte idia'y Nueva Vizcaya laban iti Woggle Corporation. Kimmaro ti risiris dagiti residente ken kumpanya idi nagiparuk-at ti maysa a korte iti prubinsya ti Temporary Restraining Order idi Oktubre 14 laban iti barikada. Dinuprak dagiti pulis ti barikada idi Oktubre 16 ken inaresto da ti tallo a residente. Dagus da met laeng a nawayawayaan.

Agsusumbangir a kinundenar dagiti residente, simbaan, grupo ken indibidwal ti panagranggas dagiti pulis. Nagiruswat da ti karaban ken protesta iti Nueva Viscaya Provincial Capitol idi Oktubre 20 tapno kundenaren ti kinaawan aksyon ti lokal a gubyrerno. Nagisayangkat met ti tignay iti pareho nga aldaw ti grupo a Kalikasan PNE iti batog ti Department of Environment and Natural Resources.

Naituding met a nga agisayangkat ti protesta iti Oktubre 21 ti Anakbayan United Kingdom ken dadduma pay a nailyan demokratiko nga organisasyon idia'y UK iti upisina ti Metals Exploration PLC Office idia'y London tapno kundenaren ti panaggamrud iti kalikasan ti kumpanya.

Baro a kampanya nga agresyon ken destabilisasyon ti US laban iti Venezuela

Manipud Setyembre, innem a lugan a pangbaybay a naggapu kano idia Venezuela ti pinabettak ti US iti Caribbean Sea iti akusasyon nga aglalaon dagitoy kadagiti "narko-terorista" ken agibibahe ti iligal a droga. Naiyaramid dagiti panagpabettak kas paset ti baro a serye ti agresyon a militar iti Venezuela nga awanan basaran nga ak-akusaran ti presidente ti US a ni Donald Trump a sumupsuporta kadagiti "narko-terorista." Dumanunen iti 27 ti ekstra-hudisyal a pinatay ti US kadagitoy a panagatake.

Kagiddan dagiti panagpabet-tak, pinairteng ti US ti presensya a militar ti US iti Caribbean Sea ba-baen ti panangipatulod kadagiti *warship*, maysa a *nuclear-powered submarine*, ken dadduma pay a lugan a panggubat. Agipatpatayab met daytoy kadagiti helikopter, *fighter jet* ken dagiti B-52 *bomber* iti internasyunal a tangatang asiddeg iti Venezuela.

Minandaran met ni Trump ti Central Intelligence Agency nga agisayangkat kadagiti sikreto nga operasyon iti uneg ti Venezuela laban iti gubyrno ken umili daytoy. Umannurot daytoy iti anunsyo ni Trump nga iyaramid ti ad-adda pay nga aksyon militar laban iti Venezuela ken iskema a panagsukat ti rehimen iti soberano a pagilyan. Nagipataw pay ni Trump ti \$50 milyon a premio para iti panang-aresto iti presidente ti Venezuela a ni Nicolas Maduro. Nayon dagitoy kadagiti agrarairan a sangsyon iti ekonomya a nabayagen nga inpataw ti US ken dagiti alyado daytoy iti Venezuela.

Kakumplot ti imperyalismo a US dagiti maka-Kannawan a grupo iti uneg ti Venezuela iti kampanya nga agresyon. Idi umuna a lawas ti Oktubre, inbunannag ti gubyrno ni Maduro ti panaggandat dagitoy a grupo nga agiyaramid ti maysa nga operasyon a "false flag" nu sadinno

nga agimula ken agpabettak daytoy ti bomba iti embahada ti US idia Caracas, kabisera ti Venezuela, tapno ad-adda pay a pabaraen ti tensyon.

Numanpay nakarikep ti embahada manipud idi naisardeng ti diplomatiko a relasyon ti Venezuela ken US idi pay 2019, adda dagiti empleyado ken pwersa iti seguridad nga agtaltalinaed iti pasdek. Kasaruno daytoy a damag, inpasardeng ni Trump ti anyaman nga addang ti gubyrno na a makisarita ken makiareglo iti Venezuela.

Saan a nagpatukay ti Venezuela ken ti gubyrno ni Maduro kadagiti panagatake ken panagpangta ni Trump. Segun ken Maduro, "saan danto pulos a makastrek iti Venezuela" ken nakasagana a salakniban ti militar ken umili a Venezuelan ti pagilyan ken soberanya da.

Sangalubongan a suporta iti Venezuela

Nasaknap a sinidir dagiti grupo iti sanga-



lubongan ti agresyon ti US ken ni Trump iti Venezuela. Immawag ti International League of Peoples' Struggle (ILPS) a labanan ti panaggandat a sukatan ti gubyrno ti Venezuela ken ti amin a porma ti *hybrid* a pannakigubat a kimmaro iti panawen ni Trump.

Awan sarday ti agresyon ti US iti gubyrno ti Venezuela manipud idi timmakder daytoy laban kadagiti imperyalista a diktat daytoy. "Awan sarday ti panaggandat ti US a tennagen ti demokratiko a nabotosan a gubyrno ti Venezuela ken determinado daytoy nga igupen ti pastrek manipud iti langis ti pagilyan tapno pabaknangen dagiti monopolyo kapitalista ken dagiti agpupuonan," segun iti ILPS.

Pablaak ti grupo, ti agresyon ti US ket mangidurduron laeng iti uma-adu nga umili iti sangalubongan a suportaran ti Venezuela ken ti nainkalinteg a dangadang da para iti nailyan a soberanya laban iti imperyalismo a US.

Iti Pilipinas, idadauluan ti Philippine-Bolivarian Venezuela Friendship Association ken Bagong Alyansang Makabayan ti panagsuporta iti gubyrno ken umili ti Venezuela. Nairut da a makisilsilpo ken Chargé d'Affaires Richard Espinoza Lobo ti Bolivarian Republic of Venezuela Embassy para iti nadumaduma nga aktibidad ken taripnong.

Karaman ditoyen ti panakimiting da kadagiti mangibagi ti Makabayan Bloc iti House of Representatives idi Oktubre 13. Nabukel ditoy ti plano a panagisumite ti Makabayan Bloc ti maysa a resolusyon iti Konggreso tapno babalawen ti militarismo ti US ken suportaran ti dangadang ti umili a Pilipino para iti kapya, nailyan a soberanya ken karbengan iti bukod a panggeddeng ti amin a pagilyan.